



Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec



REPUBLICA E KOSOVES/REPUBLIKA KOSOVO/REPUBLIC OF KOSOVO
KUVENDI I KOMUNES/SKUPSTINA OPSTINE/MUNICIPAL ASSEMBLY

RAHOVEC /ORAHOVAC

Njesia Nr./Br./No 01(Kuvendi i Komunës)

Nr./Br./No 128 Nr. i faq/Br.str/No.pg 04/23

Data/Datum/Date 30 / 08 / 2023

STATUTI I ANSAMBLIT TË KOMUNËS SË RAHOVECIT
2023

Gusht-2023

STATUTI I ANSAMBLIT TË KOMUNËS SË RAHOVECIT

Neni 1.

Me këtë statut përkufizohet funksionimi i veprimtarisë së ansamblit të këngëve dhe valleve i komunës së Rahovecit

Neni 2.

Shprehjet e përdorura në këtë statut kanë këtë përkufizim:

2.1. Ansambli i Komunës së Rahovecit – është institucion i themeluar nga Kuvendi i Komunës së Rahovecit dhe ka si objekt veprimtarie zhvillimin e artit skenik, ruajtjen e trashëgimisë kulturore – shpirtërore të rajonit të Rahovecit e më gjerë, realizimin e veprave skenike, kultivimin dhe ruajtjen e vlerave kombëtare etnomuzikologjike e etnografike, si dhe promovimin e këtyre vlerave brenda dhe jashtë vendit.

2.2. Ansamblet komunale (Shoqëritë kulturore-artistike) – shoqëri kulturore-artistike publike, veprimtaria e të cilave synon realizimin e aktiviteteve kulturore të shprehura me këngë, valle e koreografi skenike që ruajnë dhe kultivojnë vlerat kombëtare, me theks të veçantë të zonës së Rahovecit.

2.3. Ansamblet private – organizata jo-qeveritare dhe organizata profitabile që zhvillojnë veprimtarinë e tyre në bazë të statutit sipas ligjit dhe rregullores së MAP për funksionimin e OJQ-ve.

2.4. Trupë artistike – emërtim për stafin udhëheqës artistik; valltarët, solistët vokal dhe orkestrën.

2.5. Fondusi – tërësia e kostumeve, instrumenteve muzikore, rekuizitave, elementeve skenografike, si dhe mjeteve e materialeve teknike me vlera etnomuzikologjike e etnografike.

KREU II

LLOJET, THEMELIMI, VEPRIMTARIA, ORGANIZIMI, FINANCIMI DHE STATUSI I ARTISTËVE

Neni 4

Lloji i ansamblit

1. Ansamblet mund të jenë; publike dhe private
 - 1.1. Ansamble komunale
 - 1.2. Ansamble private

Neni 5

Themelimi i ansamblit

- 5.1 Ansambli Komunal themelohet me vendim të Kuvendit të Komunës së Rahovecit
- 5.2. Ansamblet private mund të themelohen nga personat fizik dhe juridik në bazë të ligjit dhe rregulloreve për funksionimin e OJQ-ve

Neni 6

Veprimtaria e Ansamblit Komunal

- 6.1. Ansambli Komunal themelohet dhe financohet nga Kuvendi i Komunës dhe Ekzekutivi i Komunës së Rahovecit
- 6.2. Ansambli ruan dhe kultivon traditat kombëtare, me theks të veçantë traditat etnomuzikologjike e etnografike të rajonit të Rahovecit
- 6.3 Ansambli të paktën dy herë në vit përgatit dhe shfaq program artistik – skenik
- 6.4. Ansambli komunal mund të marrë pjesë në aktivitete kulturore brenda dhe jashtë vendit, me qëllim të promovimit të vlerave etno-kulturore të rajonit të Rahovecit.
- 6.5. Bën mbledhjen, konservimin dhe arkivimin e lëndës muzikore të traditës shpirtërore e materiale popullore, si dhe nxitjen, zhvillimin, publikimin dhe promovimin e artit kombëtar brenda dhe jashtë vendit.
- 6.6. Bën përgatitjen, ngritjen artistike, promovimin, edukimin dhe prezantimin e kuadrove të reja.

Neni 7

Organizimi i Ansamblit Komunal

- 7.1. Ansambli i Këngëve dhe Vallëve Rahoveci, ka emërtimin zyrtar dhe formën e shkurtër të përdorimit të emrit. Emërtimi zyrtar i këtij institucioni është: “Ansambli i Këngëve dhe Valleve Rahoveci”, ndërsa emërtimi në formën e shkurtër/akronimi është “AKV Rahoveci”.
- 7.1. Ansambli Komunal është institucion komunal i kulturës popullore me seli në Rahovec.

7.2. Ansambi Komunal ka simbolet e veta dhe shenjat dalluese me karakter artistik, AKV Rahoveci ka Logon, Vulën e rrumbullakët dhe Vulën katrore.

7.3. Organizimi dhe funksionimi i Ansamblit Komunal rregullohet me këtë statut dhe aktet tjera nënligjore, në pajtim me ligjet e Republikës së Kosovës që e përkufizojnë mënyrën e funksionimit të ansambleve artistike.

7.4. Struktura organizative e Ansamblit Komunal

7.4.1. Këshilli drejtues

7.4.2. Drejtori

7.4.3. Këshilli artistik

7.4.4. Udhëheqësi artistik

Neni 8

Këshilli Drejtues i Ansamblit Komunal

8.1. KDAK përbëhet prej pesë (5) anëtarëve, me mandat katërvjeçar dhe preferohet të jenë profesionistë të fushës së artit skenik muzikor, etnomuzikolog dhe të fushave relevante të artit.

8.2. Këshillin Drejtues përbëhet nga: Një (1) anëtarë nga ekzekutivi, një (1) anëtarë nga shoqëria civile dhe tre (3) anëtarë nga kuvendi, të emëruarit e KD i mbikëqyr Kryetari i Komunës së Rahovecit.

8.3 Njëri nga anëtarët e KD duhet të jetë i emëruar nga Kryetari dhe të jetë i deleguar nga Ekzekutivi i Komunës, por nuk ka të drejtë të jetë kryetar i KD të Ansamblit.

8.4. Kryetari i KD zgjedhet nga pesë anëtarët e emëruar të Këshillit Drejtues me shumicën e votave

8.5. Anëtarët e KD kompensohen për punën e tyre sipas ligjit dhe rregulloreve komunale.

Neni 9

Detyrat dhe përgjegjësitë e Këshillit drejtues

9.1. KD harton dhe miraton politikat zhvillimore të Ansamblit Komunal.

9.2. harton dhe miraton planin vjetor të punës së Ansamblit.

9.3. përgatit dhe miraton raportin vjetor të punës dhe atë financiar dhe raportin pranë organeve kompetente komunale.

9.4. harton dhe miraton rregulloren e brendshme të punës së Ansamblit.

9.5. zgjedh dhe shkarkon kryetarin e KD të Ansamblit.

9.6. zgjedh dhe shkarkon udhëheqësin artistik të Ansamblit.

9.7. Bashkëpunon ngushtë me DKRS-në dhe autoritetet tjera komunale.

9.8 Raporton pranë DKRS-së dhe autoriteteve të tjera përkatëse komunale (Kuvendi dhe Ekzekutivi).

Neni 10

Drejtori i Ansamblit Komunal

- 10.1. Drejtori është udhëheqës dhe organ ekzekutiv i Ansamblit.
- 10.2 Drejtori i Ansamblit zgjedhet me konkurs publik të shpallur nga Ekzekutivi i Komunës.
- 10.3. Drejtori i Ansamblit duhet të ketë diplomë universitare në fushën e artit, kulturës, etnomuzikologjisë, apo ndonjë fushë tjetër relevante që lidhet me trashëgiminë kulturore.
- 10.4. Drejtori i Ansamblit zgjedhet me mandat katërvjeçar, me mundësi rizgjedhjeje.

Neni 11

Detyrat dhe përgjegjësitë e drejtorit të Ansamblit

- 11.1. Drejtori udhëheq, organizon, mbikëqyr veprimtarinë dhe funksionimin e Ansamblit.
- 11.2. I raporton Këshillit drejtues për planin vjetor të punës dhe planin financiar.
- 11.3. Merr pjesë në mbledhjet e Këshillit drejtues, pa të drejtë vote.
- 11.4. Përfaqëson Ansamblin brenda dhe jashtë vendit.
- 11.5. Kërkon dhe negocion marrjen e donacioneve, si dhe përgjigjet për menaxhimin e tyre.
- 11.6. Informon me gojë dhe me shkrim drejtorin e DKRS-së dhe autoritet tjera komunale për ecurinë dhe mbarëvajtjen e punëve në Ansambël.
- 11.7. Ushtron detyra të tjera me përgjegjësi në përputhje me detyrat dhe obligimet ligjore.

Neni 12

Këshilli artistik i Ansamblit

- 12.1. Këshilli artistik i Ansamblit ka pesë anëtarë dhe përbëhet nga;
 - 1. Udhëheqësi artistik i Ansamblit
 - 2. Koreografi
 - 3. Koreopetitori
 - 4. Përgjegjësi i seksionit të solistëve vokal
 - 5. Përgjegjësi i seksionit të orkestrës.
- 21.2. Udhëheqësi Artistik është kryesues i Këshillit artistik.

Neni 13

Detyrat dhe përgjegjësitë e Udhëheqësit Artistik

13.1. Udhëheqësi Artistik i Ansambllit Komunal ka këto detyra;

- harton dhe i propozon drejtorit programin artistik vjetor;
- bën vlerësimin artistik të koncerteve dhe aktiviteteve të tjera kulturore, si dhe jep këshilla për konceptin e programit të Ansambllit;
- miraton programin e shfaqjeve artistike;
- përkujdeset për prezantimin sa më të mirë të vlerave artistike të trashëgimisë shpirtërore e materiale;
- vlerëson dhe miraton pikat artistike të programit premierë;
- bën vlerësimin vjetor profesional të valltarëve, solistëve vokal dhe instrumenteve.

Neni 14

Përgatitja dhe mandati i Udhëheqësit Artistik të Ansambllit

- 14.1. është përgjegjës profesional i Ansambllit me përgatitje profesionale univesitare në fushën e arteve skenike – muzikore, etnomuzikologjike;
- 14.2. Zgjedhet me konkurs publik të shpallur nga ekzekutivi i komunës së Rahovecit.
- 14.3. duhet të ketë përvojë pune dhe aftësi profesionale në fushën përkatëse të arteve skenike.
- 14.4. Mandati i Udhëheqësit Artistik është katërvjeçar, me mundësi rizgjedhjeje.

Neni 15

Financimi i Ansambllit Komunal

- 15.1. Ansambli Komunal financohet nga buxheti i komunës së Rahovecit.
- 15.2. Ansambli mund të konkurrojë në thirrjet publike të MKRS-së për mbështetje të projekteve të caktuara të Ansambllit.
- 15.3. Ansambli mund të sigurojë edhe fonde të tjera nga individ fizik e juridik, biznese dhe organizata të tjera vendore e ndërkombëtare.
- 15.4. Drejtori i Ansambllit i raporton Ekzekutivit dhe Kuvendit të Komunës së Rahovecit për mënyrën e shpenzimit të buxhetit.

Neni 16

Lënda arkivore e Ansambllit

- 16.1. Ansambli obligohet që ta ketë fondin e vet arkivor dhe ta ruajë e sistemojë në përputhje me ligjin dhe rregulloret në fuqi.
- 16.2. Nëse Ansambli pushon së funksionuari, atëherë lënda arkivore i kalon arkivit komunal.

Neni 17

Fondusi i Ansamblit Komunal

17.1. Ansambli Komunal ka fondusin e vet dhe anëtarët e drejtuesit e ansamblit janë të obliguar ta ruajnë, të kujdesen dhe ta mirëmbajnë fondusin e ansamblit; kostumet, instrumentet muzikore, rekuizitat, elementet skenografike, si dhe materialet tjera me vlera etnomuzikologjike, etnografike dhe të kulturës popullore.

17.2. Nëse Ansambli pushon së funksionuari, atëherë i gjithë fondusi dhe materialet tjera të Ansamblit i kalojnë muzeut komunal në Rahovec.

DISPOZITAT PËRFUNDIMTARE

NENI 18

18.1. Ky statut hyn në fuqi pas miratimit nga Kuvendi i Komunës së Rahovecit

18.2. Autoritet komunale ekzekutive kanë afat gjashtë muaj për përfundimin e procedurave ligjore për formimin e Ansamblit Komunal të Komunës së Rahovecit.

18.3. Ky statut hyn në fuqi 15 ditë pas miratimit nga Kuvendi i Komunës së Rahovecit.

KUVENDI I KOMUNËS NË RAHOVEC

01-Nr.128/23

Më datë:30.08.2023

